

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 67. Zakona o budžetima u Federaciji Bosne i Hercegovine („Službene novine Federacije BiH“, broj: 102/13, 9/14-isp., 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), člana 18. i člana 19. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 45/25), člana 9. Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25) i člana 4. Odluke Vlade Zeničko-dobojskog kantona o pokretanju procedure dugoročnog kreditnog zaduženja Zeničko-dobojskog kantona u 2025. godini („Službene novine Zeničko-dobojskog kantona“, broj: 21/25), na prijedlog Ministarstva finansija, Vlada Zeničko-dobojskog kantona, na 110. sjednici održanoj 26.12.2025. godine, d o n o s i

O D L U K U

o unutrašnjem dugoročnom kreditnom zaduženju Zeničko-dobojskog kantona u 2025. godini za LOT 2

Član 1.

(Odobrovanje unutrašnjeg kreditnog zaduženja Zeničko-dobojskog kantona)

Nakon okončanog postupka Javnog poziva za dugoročno kreditno zaduživanje Zeničko-dobojskog kantona u 2025. godini, broj: 07-11-21426-2/25 od 03.12.2025. godine i broj: 07-11-21426-2/25 od 05.12.2025. godine-ispravka, objavljenog dana 03.12.2025. godine na web stranici Vlade Zeničko-dobojskog kantona, u dijelu javni pozivi/konkursi, te izbora najpovoljnijeg ponuđača za dugoročno kreditno zaduženje Zeničko-dobojskog kantona u 2025. godini za LOT 2 Javnog poziva - **ASA BANKE d.d. Sarajevo**, odobrava se unutrašnje dugoročno kreditno zaduženje Zeničko-dobojskog kantona u 2025. godini u iznosu od 6.000.000,00 KM (slovima: šestmiliona konvertibilnih maraka i 00/100 KM), plus pripadajuće kamate, a u svrhu finansiranja budžetskog deficita Kantona.

Član 2.

(Osnovni elementi - uslovi kreditnog zaduženja)

Kreditno zaduženje iz člana 1. ove odluke izvršit će se u skladu sa sljedećim elementima (uslovima):

- a) iznos kredita od 6.000.000,00 KM (slovima: šestmiliona konvertibilnih maraka i 00/100 KM), sa rokom otplate od 48 mjeseci (u koji nije uključen grace period), plativo u 16 kvartalnih rata,
- b) okvirna vrijednost ugovora (ukupni iznos kamata sa svim drugim troškovima kredita izraženim u KM za cijeli period otplate kredita) u iznosu do 423.788,01 KM, koju je ponuđač izrazio u procentu efektivne kamatne stope od 2,28 %.
- c) grace period: do 30.12.2026. godine (ne uračunat u rok otplate),
- d) forma duga: dugoročni unutrašnji dug u formi zajma, zaključivanjem kreditnog sporazuma - ugovora sa napovoljnijim ponuđačem nakon okončane procedure javnog poziva,
- e) sredstvo obezbjeđenja: mjenice (bez hipotekarnog obezbjeđenja),
- f) svrha zaduženja: finansiranje budžetskog deficita Zeničko-dobojskog kantona,
- g) zaduženje se vrši kao unutrašnje dugoročno kreditno zaduženje uz poštivanje odredbi člana 18. i 19. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 45/25) i u okviru ograničenja duga

koji je uspostavila Skupština Zeničko-dobojskog kantona Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24 i 12/25) i Zakonom o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25),

h) uvjeti otplate: kvartalna otplata.

i) Prva rata kredita dospijeva 30.03.2027. godine, a krajni rok dospijeća kredita je 30.12.2030. godine.

Član 3.

(Ovlašćenje ministru Ministarstvu finansija za potpis ugovora)

Ovlašćuje se ministar Ministarstva finansija, da u ime Vlade Zeničko-dobojskog kantona, sa izabranim ponuđačem za LOT 2 Javnog poziva - ASA BANKE d.d. Sarajevo, potpiše Ugovor o dugoročnom kreditu u iznosu od 6.000.000,00 KM (slovima: šestmiliona konvertibilnih maraka i 00/100 KM), pod uslovima iz člana 2. ove odluke, na koje je Vlada dala saglasnost, te da potpiše mjenice kao sredstvo obezbjeđenja navedenog kredita, mjenična ovlaštenja, zahtjev za prenos kreditnih sredstva, kao i sve naloge i druge akte potrebne za prenos sredstava na račun Kantona i za realizaciju kredita.

Član 4.

(Stupanje na snagu i objava Odluke)

Ova odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-23018/25

Datum, 26.12.2025. godine

Zenica

**PREMIJER
po ovlaštenju**

Dženana Čišija

DOSTAVLJENO:

1x Ministarstvo finansija,

1x „Službene novine Zeničko-dobojskog kantona“

1x a/a.